


樂律志

三四




漢書門			
八	三	四	二
六	三	二	類
架	函	號	類

內閣文庫			
三	八	八	漢
八	三	三	書
函	四	二	類
三	二	二	類
架	冊	號	類

內閣文庫			
番號	漢	8342	
冊數	2 (2)		
函號	278	23	





樂律



志卷之百

郊廟樂舞器服

翰林院編修臣黃汝良謹纂

淺草文庫

洪武元年定樂工六十二人編鐘十六編磬十六琴
 十瑟四搏拊四祝歌各一壎四篪四簫八笙八笛四
 應鼓一歌工十二協律郎一人執麾以引之七年復
 增籥四鳳笙四壎用六搏拊用二共七十二人舞則
 武舞生六十二人引舞二人各執干戚文舞生六十
 二人引舞二人各執羽籥舞師二人執節以引之共

一百三十人 郊丘 廟 社等祀咸同惟 文廟
之祀洪武初用樂生六十人編鐘十六編磬十六琴
十瑟四搏拊四祝歌各一塙四箎四簫八笙八笛四
大鼓一歌工十弘治中增爲七十二人嘉靖中益爲
八十一人舞則洪武初用舞生四十八人引舞二人
成化中增爲六十四人引舞二人嘉靖初復用四十
八人引舞二人其樂工服色洪武元年定協律郎幘
頭紫羅袍荔枝帶皂靴樂生展脚幘頭緋袍革帶皂
靴五年定齋郎黑介幘漆布爲之無花樣服紅絹窄

袖衫紅生絹裏皂皮四縫靴黑角帶樂生亦黑介幘
上加描金蟬服飾紅絹大袖袍冑背畫纏枝方葵花
紅生絹裏加錦臂鞞二皂皮四縫靴黑角帶舞工服
色洪武元年定舞師幘頭紫羅袍荔枝帶皂靴文舞
生展脚幘頭紮袍革帶皂靴武舞緋袍餘同五年定文
舞生黑介幘以漆布爲之上加描金蟬服飾紅絹大
袖袍冑背畫纏枝方葵花紅生絹裏加錦臂鞞二皂
皮四縫靴黑角帶武舞生武弁亦漆布爲之上加描
金蟬服飾靴帶同文舞生

郊廟樂章

洪武元年分祀 圜丘樂章

迎神 中和之曲

昊天蒼兮穹窿廣覆燾兮龐洪建圜丘兮於國之陽
合衆神兮來臨之同念縹緲兮微衷莫自期兮感通
思神來兮金玉其容馭龍鸞兮乘雲駕風顧南郊兮
昭格望至尊兮崇崇

奠玉帛 肅和之曲

聖靈皇皇敬瞻威光玉帛以登承筐是將穆穆崇嚴

神妙難量謹茲禮祭功微是惶

進俎 凝和之曲

祀儀祇陳物不干大敢用純犢告于嚴載惟茲菲薦
恐未周完神其容之以享以觀

初獻 壽和之曲

眇眇微躬何敢請于九重以煩帝聰帝心矜憐有感
而通既俯臨於几筵神繽紛而景從臣雖愚蒙鼓舞
權容乃子孫之親祖宗酌清酒兮在鐘仰至德兮玄
功

亞獻 豫和之曲

荷天之寵睠駐紫壇中情彌喜臣庶均懽趨將奉承
我心則寬再獻御前式燕且安

終獻 熙和之曲

小子于茲惟父天之恩惟恃天之慈內外懃勤何以
將之奠有芳齊設有明粢喜極而忭奉神燕娛禮雖
止於三獻情悠長兮遠而

徹饌 雍和之曲

烹飪以陳薦獻斯就神之在位既歆既右羣臣駿奔

徹茲俎豆物倘未克尚幸神宥

飲入送神興安和之曲

神之去兮難延想遐袂兮翩翩萬靈從兮後先衛神
駕兮回旋稽首兮瞻天雲之衢兮眇然

焚燎干壇燦爛精熒幣帛牲黍冀徹帝京奉神于陽

昭祀有成肅然望之玉宇光明

洪武八年御製

迎神

仰惟兮昊穹臣率百職兮迓迎幸來臨兮壇中上下
護衛兮景從旌幢繚繞兮四維重悅聖心兮民獲年
豐

奠玉帛

民依時兮用工感帝德兮大化成功臣將兮以奠望
納兮微衷

進俎

庖人兮列鼎肴羞兮以成芳俎兮再獻願享兮以歆

初獻

聖靈兮皇皇穆嚴兮金床臣令樂舞兮景張酒行初
獻兮捧觴

亞獻

載斟兮載將百辟陪祀兮具張感聖情兮無已拜手
稽首兮願享

終獻

三獻兮樂舞揚肴羞具納兮氣霑而芳光朗朗兮上
方況日吉兮辰良

徹饌

粗陳菲薦兮神喜將感聖心兮何以忘民福畱兮佳
氣昂臣拜手兮謝恩光

送神

旌幢燁燁兮雲衢長龍車鳳輦兮駕飛揚遙瞻冉冉
兮去上方可見蒸民兮永康

望燎

進羅列兮詣燎方炬焰發兮煌煌神變化兮物全於
上感至恩兮無量

洪武元年 方丘樂章

迎神 中和之曲

坤德博厚物資以生承天時行光大且寧穆穆皇祇
功化順成來御方丘嚴恭奉迎

奠玉帛 肅和之曲

地有四維大琮以方上有正色制幣以黃敬存於中
是薦是將奠之几筵臨鑒洋洋

進俎 凝和之曲

奉時辰牲其牡童犢烹鼎既嚴登俎于肅升壇昭薦
神光下燭眷佑邦家報效惟篤

初獻 壽和之曲

午為盛陽陰德初萌大地相通品物光榮吉日令辰
明祀攸行進以醇醴展其潔清

亞獻 豫和之曲

至廣無邊道全持載山嶽所憑海瀆咸賴民資水上
既安且泰酌酒揭虔功德惟大

終獻 熙和之曲

庸眇之資有此疆宇匪臣攸能仰承佑助恩承父母
臣懼鼓舞八音宣揚疊侑明醕

徹饌 雍和之曲

牲牲在俎籩豆有實臨之盼饗匪惟飲食登歌乃徹
薦獻爰畢執事奉承一具嚴慄

送神 安和之曲

神化無方妙用難量其功顯融其祀悠長飈輪云旋
龍控鸞翔拜送稽首瞻禮餘光

望瘞 時和之曲

牲體制幣餼饌惟馨瘞之于坎以達坤靈奉神于陰
典禮是程企而望之厚壤寬平

洪武八年 御製 方丘樂章

迎神

仰皇祇兮駕來川嶽從迎兮威靈備開香烟繚繞兮
神臨御街漸陞壇兮穆穆霽瑞氣兮應結樓臺以微
衷兮率職幸望聖悅兮心諧但允臣兮固請願嘉蒸
民兮永懷

奠玉帛

臣奉兮以筐玉帛是進兮歲奠以常百辟陪祀兮珮
聲琅琅惟南薰兮解愠暎燎炎兮煌煌

獻初獻

庖人兮淨湯大烹牲兮氣霽而芳以微衷兮獻上曰
享兮曰康

初獻

初獻行兮捧觴聖靈穆穆兮洋洋為蒸民兮永昌鑒
豐年兮耿光

亞獻

雜肴羞兮已張法前王兮典章臣固展兮情悃用斟
醴兮載觴

終獻

爵三獻兮禮將終
臣心眷戀兮無窮
恐有羞兮未具
將何報兮神功

徹饌

俎豆徹兮神熙
鸞輿駕兮旋歸
百神翼翼兮雲衣
敬奉行兮弗敢違

送神

祥風興兮悠悠
雲衢開兮民福
留歲樂蒸民兮大有
想洋洋兮舉觴載酒

望瘞

肴羞玉帛兮瘞坎中
遙瞻隱隱兮龍旗從祀
成兮盡
微衷感厚德兮民福
雍雍
命兮
洪武十二年合祀
園丘
方丘樂章

迎神 中和之曲

荷蒙天地兮君王
萃夷欽承踴躍兮備筵而祭
誠惶
無已兮寸衷微仰
瞻俯首兮惟願來期
想龍翔鳳舞
兮慶雲飛必昭昭
穆穆兮降壇壝

奠玉帛 肅和之曲

天垂風露兮雨澤沾黃壤氤氳兮氣化全民勤畎畝
兮束帛鮮臣當設宴兮奉來前

進俎以後咸同八年圓丘詞

嘉靖九年復定分祀

圓丘樂章

迎神 中和之曲

仰惟玄造兮於皇昊穹時當肇陽兮大禮欽崇臣惟
蒲柳兮螻蟻之衷伏承眷命兮職統羣工深懷愚昧
兮恐負洪德爰遵彝典兮勉竭微忠遙瞻天闕兮寶
輦臨壇臣當稽首兮祇迓恩隆百辟陪列兮舞拜於

前萬神翔衛兮而西以東臣俯伏迎兮敬瞻帝御願
垂歆鑒兮拜德曷窮

三 奠玉帛 肅和之曲

龍輿既降兮奉禮先爰有束帛兮暨瑤瑄臣謹上獻
兮進帝前仰祈聽納兮荷蒼乾

進俎 凝和之曲

穋饁珍饌兮薦上玄庖人列鼎兮致精虔臣盍祇獻
兮馨醴牲願垂歆享兮民福淵

初獻 壽和之曲

禮嚴初獻兮奉觴臣將上進兮聖皇聖皇垂享兮穆
穆臣拜首兮何以忘兮
亞獻 豫和之曲
禮觴再舉兮薦玉漿帝顏歆悅兮民福昂民生有賴
兮感上蒼臣惟鞠躬兮荷恩長

終獻 熙和之曲
三獻兮禮告成一念微衷兮露悃臣情景張樂舞兮
聲鏗鉉仰瞻聖容兮俯錫恩弘

徹饌 雍和之曲

祀禮竣兮精意禮三獻備兮誠已申敬徹弗遲兮肅
恭寅恐多弗備兮惟賴洪仁

送神 清和之曲
禋事訖終兮百辟維張帝垂歆鑒兮沐德汪洋龍車
冉冉兮寶駕旋雲靈風鼓舞兮瑞露清瀼洪恩浩蕩
兮無以爲酬粗陳菲薦兮已感歆嘗香氣騰芳兮上
徹帝座仰瞻聖造兮賜福羣方臣同率土兮載懽載
感祇廸寶輦兮鳳嘯龍翔誠惶誠恐兮仰戀彌切願
福生民兮永錫享昌

望燎時和之曲

龍車寶輦兮昇帝鄉御饈菲帛兮奉燎方環佩鏗鏘
兮羅壇墳炬焰特舉兮氣輝煌生民蒙福兮聖澤霑
臣荷眷祐兮拜謝恩光

嘉靖九年方丘樂章

迎神中和之曲

俯瞻兮鳳輦來靈風兮拂九垓川嶽從兮後先百辟
列兮襄陪臣拜首兮迓迎願臨享兮幸哉

奠玉帛廣和之曲

祀禮有嚴兮奉虔玉帛在笥兮來前皇靈垂享兮以
納丞民率土兮樂豐年

進俎咸和之曲

肴饈馨兮氣芳庖人奉役兮和湯奉進兮皇祇歆慰
臣稽首兮敬將

初獻壽和之曲

酒行初獻兮樂舞張齊醴明潔兮馨香願垂享兮以
歆生民安兮永康

亞獻安和之曲

載獻兮奉觴神顏和懿兮以嘗功隆厚載兮配天民
感德兮無量

終獻兮時和之曲

三進兮玉露清百職奔繞兮佩環鳴鳧鐘鷺鼓兮韻
錚鉤願留福兮羣生

徹饌兮貞和之曲

禮告終兮徹敢違深惟一念兮誠意微神垂博容兮
聽納恐未備兮惟慈依

送神兮寧和之曲

禮成兮誠已伸駕旋兮法從陳靈祇列兮以隨百辟
拜兮恭寅望坤宮兮奉辭願普福兮丞民

望燎曲

國初朝日樂章洪武二十一年罷

迎神 熙和之曲

吉日良辰祀典式陳純陽之精惟是大明濯濯厥靈
昭鑒我心以候以迎來格來歆

奠幣 保和之曲

靈旗蒞止有赫其威一念潛通幽明弗違有幣在篚

物薄而微神兮安留尚其享之

初獻 安和之曲

神兮我留 有薦必受 享祀之初 奠茲醴酒 晨光初升 祥徵應候 何以侑觴 樂陳雅奏

亞獻 中和之曲

我祀維何 奉茲犧牲 爰酌醴齊 貳觴載升 洋洋如在 式燕以寧 庶表微衷 交于神明

終獻 肅和之曲

執事有嚴 品物斯祭 黍稷非馨 式將其意 薦茲酒醴

成我常祀 神其顧歆 永言樂只

徹饌 凝和之曲

春祈秋報 率為我民 我民之生 賴于爾神 維神祐之 康寧是臻 祭祀云畢 神其樂忻

送神 壽和之曲

三獻禮終 九成樂作 神人以和 既燕且樂 雲車風馭 靈光照灼 瞻望以思 邈彼寥廓

望燎 豫和之曲

俎豆既徹 禮樂已終 神之云旋 倏將焉從 以望以燎

庶幾感通時和歲豐維神之功
嘉靖九年復定朝日樂章

迎神 熙和之曲

仰瞻兮大明位尊兮王宮時當仲春兮氣融爰遵祀
禮兮報功微誠兮祈神昭鑒願永享兮迓神聰

奠玉帛 凝和之曲

神靈壇兮肅其恭有帛在篚兮赤琮奉神兮祈享以
納予躬奠兮忻以顯

初獻 壽和之曲

玉帛方奠兮神歆酒行初獻兮舞呈齊芳馨兮犧色
駢神容悅兮鑒予情

亞獻 時和之曲

二齊升兮氣芬芳神顏怡和兮喜將予令樂舞兮具
張願垂普照兮民康

終獻 保和之曲

愍勤三獻兮告成羣職在列兮周盈神錫休兮福民
生萬世永賴兮神功明

徹饌 安和之曲

一誠盡兮予心懼五福降兮民獲禧仰九光兮誠已
申終三獻兮徹敢遲

送神 昭和之曲

祀禮既周兮樂舞揚神享以納兮還青鄉予當拜首
兮奉送願恩光兮普萬方永耀熹明兮攸賴烝民咸
仰兮恩光覩六龍兮御駕神變化兮鳳翥鸞翔束帛
肴饍兮詣燎方祐我皇明兮基緒隆長
國初夕月樂章 洪武二十一年罷

迎神 凝和之曲

吉日良辰祀典式陳太陰夜明以及星辰濯濯厥靈
昭鑒我心以候以迎來格來歆

奠帛以下咸同朝日

嘉靖九年復定夕月樂章

迎神 凝和之曲

陰日配合兮承陽宗式循古典兮齊以恭覩太陰來
格兮星辰羅從予拜首兮迓神容

初獻 壽和之曲

神其來止有嚴其誠玉帛在篚清醑方盈奉而奠之

願鑒微情夫祀兮云何祈祐兮羣氓

亞獻 豫和之曲

二觴載斟樂舞雍雍神歆且樂百職惟供願順軌兮
五行祈民福兮惟神必從

終獻 康和之曲

一誠以申三舉全觥鐘鼓鈎鈎環佩琤琤鑒予之情
願永保我民生

徹饌 安和之曲

禮樂肅具精意用申位坎居歆納茲藻蘋徹之弗遲

儀典肅陳神其鑒之佑我生民

送神 保和之曲

禮備告終兮神喜旋穹碧澄輝兮素華鮮星辰從兮
還神鄉露氣清兮霓裳踟躕有羞兮束帛薦之于瘞
兮罔敢愆予拜首兮奉送願永貺兮民樂豐年

嘉靖十年定祈穀樂章

迎神 中和之曲

臣惟穹昊兮民物之初為民請命兮祀禮昭諸備筵
率職兮祈洪庥臣衷微眇兮悃懇誠攄遙瞻駕降兮

霽色輝歡迎鼓舞兮迂龍輿臣愧菲才兮后斯民願
福斯民兮聖恩渠

奠玉帛 肅和之曲

烝民勤職兮農事顛蠶工亦慎兮固桑阡玉帛祇奉
兮暨豆籩仰祈大化兮錫以豐年

進俎 咸和之曲

鼎烹兮氣馨香饈兮旨醑帝垂享兮以歆烝民蒙福
兮以寧

初獻 壽和之曲

禮嚴兮初獻行百職趨踰兮佩璫鳴臣謹進兮玉觥
帝心歆鑒兮歲豐享

亞獻 景和之曲

二觴舉兮致虔清醴載斟兮奉前仰音容兮忻穆臣
感聖恩實惓惓

終獻 永和之曲

三獻兮一誠微禮禮告成兮帝鑒是依烝民沐德兮
歲豐穰臣拜首兮竭誠祈

徹饌 凝和之曲

三獻週兮肅乃儀俎豆敬徹兮弗敢遲願留福兮不
而日雨日暘兮若時

送神清和之曲

祀禮告備兮帝鑒彰臣情上達兮感昊蒼雲程肅駕
兮還帝鄉臣荷恩眷兮何以忘祥風瑞靄兮彌壇壝
烝民率土兮悉獲豐康

望燎 太和之曲

遙睹兮天衢長邈彼寥廓兮去上方束帛薦火兮希
昇聞悃幅已通兮沛澤長樂終九奏兮神人以和臣

同率土兮咸荷恩光

嘉靖十七年定大饗樂章

迎神 中和之曲

於皇穆清兮弘覆惟仁既成萬寶兮惠此蒸民祇受
厥明兮欲報無因爰稽古昔兮式展明禋肅肅廣庭
兮遙遙紫旻笙鏞始奏兮祥風導雲臣拜稽首兮中
心孔懃爰瞻寶輦兮森羅萬神庶幾昭格兮眷命其
申徘徊顧歆兮鑒我恭寅

奠玉帛 肅和之曲

捧珪幣兮瑤堂穆將愉兮聖皇秉予心兮純一荷帝
德兮溥將

進俎凝和之曲

歲功阜兮庶類成黍稷秘兮濡鼎馨敬薦之兮慙菲
輕大禮不煩兮惟一誠

初獻壽和之曲

金風動兮玉宇澄初獻觴兮交聖靈瞻玄造兮懷鴻
禎曷以酬之心忤忤

亞獻豫和之曲

帝眷我兮居歆紛繁會兮五音再捧觴兮殫臣心惟
帝忻懌兮生民是任
終獻熙和之曲
綏萬邦兮屢豐年眇眇予躬兮實荷昊天酒三獻兮
心益虔帝命參輿兮勿遽旋

徹饌雍和之曲

祀禮既洽兮神人肅雍享帝享親兮勉竭臣衷惟洪
恩兮罔極儼連蜷兮聖容

送神清和之曲

九韶既成兮金玉鏗鏘百辟森立兮威羽斯莊皇天
在上兮昭考在旁嚴父配天兮祇脩厥常殷薦既終
兮神去無方玄雲上昇兮鸞鵠參翔靈光回照兮郁
乎芬芳載慕載瞻兮願錫亨昌子孫黎民兮維帝是
將於昭明德兮永懷不忘

望燎時和之曲

龍輿杳杳兮歸上方金風應律兮燎斯揚達精誠兮
合靈光帝庭納兮玉幣將顧下土兮眷不忘願錫吾
民兮長阜康

嘉靖十八年興都大饗樂章

迎神中和之曲

仰高高之在上兮皇穹冒九圍之徧覆兮罔止西東
王者出王遊行兮必奉天顧愚臣之此行兮豈荷旃
幪

初獻壽和之曲

於昭帝庥兮臣感恩淵淵巡省舊藩之地兮實止承
天下情思報兮此心拳拳瓊卮蒼幣捧叩壇前

亞獻敷和之曲

樂奏兮三成觴舉兮再呈帝鑒凡微兮日誠爾小臣
頓首兮敢不嚴於此精
終獻 承和之曲
臣來茲土本之思親思親伊何昌厥嗣人嗣人克昌
匪戴帝之臨汝夫何因

徹饌 永和之曲

肅其具兮祀禮行備彼儀兮樂舞張退省進止兮臣
疎且狂沐含仁兮何以量

送神 感和之曲

王之狩兮典有禋望於維柴祀兮首重上蒼臣情罔
殫兮夙夜遑遑祇伸愚悃兮允賴恩光遙瞻兮六龍
騰翔帝垂祉兮萬世永昌

嘉靖十一年定雩祀樂章 至十七年罷

迎神 中和之曲

於穆上帝爰虔瑤宮咨爾黎庶庶覆憫曷窮旂旌戾止
委蛇雲龍霖澤斯溥萬寶有終

奠帛 肅和之曲

神之格思奠茲文縵盛樂斯舉香氣氤氳精禋孔燠

徹于柴冥懇祈膏澤渥我嘉生
進俎咸和之曲

百川委潤名山出雲愆陽孔熾膏澤斯屯祈年於天
載牲于俎神之格思報以甘雨

初獻壽和之曲

有嚴崇祀日吉辰良酌彼罍洗椒馨苾香玄功溥濟
時雨時暘惟神是聽綏以多穰

亞獻景和之曲
皇皇禋祀孔惠孔明瞻仰來歆拜首歡承有醴維醕

有酒惟清雲韶侑獻肅雍和鳴聖靈有赫鑒享精誠

六奠終獻

永和之曲

靈承無斃駿奔有容嘉玉以陳酌鬯以供禮三再稱
誠一以從備物致志申薦彌恭神昭景貺佑我耕農

徹饌凝和之曲

有赫旱暵民勞瘁斯于牲于醴載舞載詩禮成三獻
敬徹不遲神之聽之雨我公私

送神清和之曲

爰廸寅清昭事昊穹仰祈甘雨惠我三農既歆既格

言歸太空式霑下土萬方其同

望燎 太和之曲

赤龍旋馭禮洽樂成燔燎既舉昭格精禋維帝降康
雨施雲行登我黍稷溥受厥明

雲門之曲

祭畢令樂舞童羣歌之

景龍精兮時見測鶉緯兮宵懸肆廣樂兮鏗鉦列皇
舞兮蹕躔祈方社兮不莫薦圭璧兮孔虔需密雲兮
六漠霑甘澍兮九玄慰我農兮既渥錫明昭兮有年
國初太社稷異壇同壤樂章

大田迎神 廣和之曲

五土之靈百穀之英國依土而寧民以食而生基圖
肇建祀禮脩明神其來臨肅恭而迎

大野奠幣 肅和之曲

有國有人 社稷為重昭事云初玉帛虔奉維物匪
親敬實將之以斯為禮冀達明祇

進俎 凝和之曲

崇壇北向明禋方闡有潔犧牲禮因物顯大房載設
中情以展景運既承神貺斯行

中書初獻壽和之曲

太社云高爲山林深爲川澤崇丘廣衍亦有原隰
惟神所司百靈效職清醴在陳顛然昭格
勾龍氏配云平治水土萬世神功民安物遂造化
攸同嘉惠無窮報祀宜豐配食尊嚴國家所崇
太稷云黍稷稻粱來牟降祥爲民之天豐年穰穰
其功甚大其恩深長乃登芳齊以享以將
后稷氏配云皇皇后稷克配于天誕降嘉種樹藝
大田生民粒食功垂萬年建壇于京歆茲吉蠲

亞獻豫和之曲

太社云廣厚無偏其體弘兮德侔坤順萬物生兮
錫民地利神化行兮恭祀告虔國之禎兮
勾龍配云周覽四方偉烈昭彰九州既平五行有
常壇位以妥牲醴之將是嚴是崇煥然典章
太稷云億兆林林所資者穀雨暘應時家給人足
倉庾坻京神介多福祇薦其儀昭事惟肅
后稷配云躬勤稼穡有相之道不稂不莠實堅實
好農事開國王基永保有年自今常奉蘋藻

我其終獻國豫和之曲辭同亞獻常奉獻
武舞徹豆 雍和之曲
禮展其勤樂奏其節庶品苾芬神明是達有嚴執事
俎籩乃徹穆穆雍雍均其欣悅
送神 安和之曲
維壇潔清維主堅貞神之所歸依茲以寧土宇靖安
年穀順成祀典昭明永致昇平
望瘞 時和之曲
晨光將發既侑既歆瘞茲牲幣達于幽陰神人和悅

實獲我心永久禋祀其始于今

洪武十年定社稷同壇樂章永樂以後咸同

迎神 廣和之曲

予惟土穀兮造化功爲民立命兮當報崇民歌且舞
兮朝雍雍備筵率職兮候迓迎想聖來兮祥風生欽
當稽首兮告拜年豐

初獻 壽和之曲

氤氳氣合兮物遂蒙民之立命兮荷陰功予將玉帛
兮獻微衷初斟醴薦兮民福洪

今燭亞獻 豫和之曲

予令樂舞兮再捧觴願神昭格兮軍民康思必穆穆
兮靈洋洋感厚恩兮拜祥光

當終獻 熙和之曲

于羽飛旋兮酒三行香烟繚繞兮雲旌幢予今稽首
兮忻且惶神顏悅兮霞彩彰

徹饌 雍和之曲

粗陳微禮兮神喜將琅然絲竹兮樂舞揚願祥普降
兮遐邇方丞民率土兮盡安康

辭首送神 安和之曲

氤氳氤氳兮祥光張龍車鳳輦兮駕飛揚遙瞻稽首
兮去何方民福留兮時雨暘

望瘞 時和之曲

捧肴羞兮詣瘞方鳴鑾率舞兮聲鏗鏘思神納兮民
福昂予今稽首兮謝恩光

嘉靖十年初立 帝社稷樂章

迎神 時和之曲

東風兮地脉以融首務兮稼穡之工祀神于此兮苑

中願來格兮慰余衷秋祭首二句云金風兮萬寶以克忻成兮稼穡之工餘同

初獻 壽和之曲

神兮臨止禮薦清醇菲幣在笥初獻式遵神其鑒茲

享斯藻蘋我祀伊何祈穀是因神兮錫祉財阜吾民

亞獻 雍和之曲

二觴再舉申此懇勤神悅兮以納祥霽兮氤氲

終獻 寧和之曲

禮終兮酒三行喜茂實兮黍稷梁農事待兮豐康予

稽首兮以望

徹饌 保和之曲

祀事告終三獻既周徹之罔遲惠注田疇迓以休貺

庇茲有秋

送神 廣和之曲

耕耨伊首力事豆籩粢盛賴之于此大田予將以祀

神其少延願留嘉祉副我潔虔肅駕兮雲旋普予兮

有年秋祭伊首二字改用告就

望瘞曲同

國初分祀 天神 地祇樂章

國迎天神奏申和之曲

吉日良辰祀典式陳太歲尊神雷雨風雲濯濯厥靈
昭鑒我心以候以迎來格來歆

奠帛以後咸同朝日
迎地祇 奏中和之曲

吉日良辰祀典式陳惟地之祇百靈繽紛嶽鎮海瀆
山川城隍內而中國外及四方濯濯厥靈昭鑒我心
以候以迎來格來歆

奠帛以後咸同朝日

洪武六年合祀天神地祇樂章

迎神保和之曲

吉日良辰祀典式陳太歲尊神雷雨風雲嶽鎮海瀆
山川城隍內而中國外及四方濯濯厥靈昭鑒我心
以候以迎來格來歆

奠帛以後咸同朝日

嘉靖九年復分祀天神地祇樂章

迎天神 保和之曲

吉日良辰祀典式陳景雲甘雨風雷之神赫赫其靈

功著生民參贊元化宣布蒼仁爰茲報祀鑒斯藻蘋

奠帛以後俱如舊

迎地祇 保和之曲

吉日良辰祀典式陳靈嶽方鎮海瀆之神京畿四方

山澤羣真毓靈分隅福我生民薦斯享報鑒我恭寅

奠帛以後亦如舊

洪武四年祀周天星辰樂章

迎神 疑和之曲

星辰垂象布列玄穹擇茲吉日祀禮是崇濯濯厥靈

昭鑒我心謹候以迎庶幾來歆

奠帛

保和之曲 詞同朝日

神兮既留品物斯薦奉祀之初醴酒斯奠仰惟靈輝

以享以歆何以侑觴樂奏八音

亞獻 中和之曲

神既初享亞獻再升以酌醴齊仰薦于神洋洋在上

式燕以寧庶表徽衷交于神明

終獻 肅和之曲

神既再享終獻斯備不腆菲儀式將其意薦茲酒醴
成我常祀神其顧歆永言樂只

神既再享終獻斯備不腆菲儀式將其意薦茲酒醴
成我常祀神其顧歆永言樂只
無間始終樂音再作庶達微悰

送神 雍和之曲 詞同朝日
望燎 雍和之曲

神既享祀靈馭今旋燎烟既升神帛斯焚巍巍霄漢
倏焉以適拳拳余衷瞻望弗及

嘉靖八年祀太歲月將樂章

迎神

吉日良辰祀典式陳輔國佑民太歲尊神四時月將
功曹司辰濯濯厥靈昭鑒我心以候以迎來格來歆

奠帛以後俱同神祇

洪武元年定 宗廟樂章

迎神 太和之曲

慶源發祥世德惟崇致我眇躬開基建功京都之內
親廟在東維我子孫永懷 祖宗氣體則同呼吸相

通來格來享 皇靈顯融

奉冊寶

時享不用

維水有源維木有根先世積善福垂後昆冊寶鏤玉
德顯名尊祇奉禮文仰答洪恩

進俎

時享不用

明明太祖考妥神清廟薦以牲牲匪云盡孝願通
神明願成治效此帝王之道亦太祖考之教

初獻

壽和之曲

德祖廟初獻

思皇高祖穆然深玄其遠歷年其神在天尊臨太
室餘慶綿綿歆於几筵有永其傳

懿祖廟初獻

思皇曾祖清勤純古田里韜光天篤其祐佑我曾
孫弘開土宇追遠竭虔勉遵前矩

熙祖廟初獻

維我皇祖淑後貽謀盛德靈長與泗同流發于孫
枝明禋載脩嘉潤如海恩何以酬

仁祖廟初獻

維我皇考既淳且仁弗耀其身克開嗣人子有天下尊歸於親景運維新則有其因

亞獻 豫和之曲

對越至親儼然如生其氣昭明感格在庭如見其形如聞其聲愛而敬之發乎中情

終獻 熙和之曲

承前人之德化家爲國毋日予小子基命成績欲報其德昊天罔極慇懃三獻我心悅懌

徹豆 雍和之曲

樂奏具肅神其燕嬉告成于祖亦佑皇妣敬徹不遲以終祀禮祥光煥揚錫以嘉祉

送神 安和之曲

顯兮幽兮神運無迹鸞馭逍遙安其所適其靈在天其主在室子子孫孫孝思無斁二十一年更定其初獻合奏餘並同

思皇先祖耀靈于天源衍慶流繇高逮玄玄孫受命追遠其先明禋世崇億萬斯年

永樂以後改迎神章致我眇躬句爲助我祖宗又改終獻章首四句爲惟前人之功肇膺天曆延及于小

子爰受方
國餘益同
嘉靖十五年定孟春
九廟特享樂章

太祖廟

迎神

於皇於皇兮仰我
聖祖乃武乃文
攘夷正華爲天
下大君粵比隆
於古越彼放勛
肇造王業佑啓
予子孫功德超
邁大室攸尊首
稱春祀誠敬用
申維神格思萬
世如存

樂奏初獻

薦帛於篚潔牲於俎
嘉我稷黍酌我清醑
愚孫必祀奠獻初
舉翼翼精誠對越
我皇祖居然顧歆
永錫

純祐

亞獻

籥舞既遷八音洋洋
工歌隍隍醇醴載
羞齊明其將之永
佑于子孫歲事其
承之俾嗣續克承
百世其保

終獻

寧和之曲
三爵既崇禮秩有
終盈溢孚顒顒相
肅雍維皇祖

格哉以繹以融申錫無窮暨于臣民萬福攸同

徹饌 豫和之曲

禮畢樂成神悅人宜籩豆靜嘉敬徹不遲穆穆有容
秩秩其儀益祇以嚴矧敢斃于斯

還宮 八安和之曲

於皇我祖陟降在天清廟翼翼禋祀首虔明神既

留寢祐靜淵介福綏祿錫胤綿綿以惠我家邦於萬

斯年

成祖廟

迎神 太和之曲

於惟 文皇重光是宣克戡內難轉坤旋乾外龍百

蠻威行八埏詒典則于子孫不忘不愆聖德神功格

于 皇天作廟奕奕百世不遷祀事孔明億萬斯年

初獻亞獻終獻徹饌還宮俱與 太廟同

仁宗廟

迎神 太和之曲

明明我 祖盛德天成至治許謨通駿有聲專真致

享維古經是程春祀有嚴以迓 聖靈維陟降在庭

以賚我思成

初獻 壽和之曲

幣牲在陳金石在懸清酒方獻百執事有虔明神洋洋降歆自天俾我孝孫德音孔宣

亞獻 豫和之曲

中誠方殷明神如存醞齊孔醇再舉壘尊福祿穰穰攸介攸臻追遠報酬罔極之恩

終獻 寧和之曲

樂比聲歌佾舞婆娑稱彼玉爵酒旨且多獻享維終

神聽以和孝孫在位受福不那

徹饌 雍和之曲

牲牲在俎稷黍在簋孝享多儀格我皇祖稱彼進

徹髦士膺膺孝孫受福以敷錫于下

還宮 安和之曲

牲享孔明物備禮成於昭在天以莫不聽明神即安

維華寢是憑肇祀迄及百世祇承

宣廟 英廟 憲廟俱與 仁廟同

孝廟

迎神 太和之曲

列祖垂統景運重熙於惟 孝皇敬德允持用光于
大烈化彼丞黎專廟以享經禮攸宜俎豆式陳庶幾
來思

初獻 壽和之曲

粢盛孔蠲脂肥牲牲考鼓鼙鼙萬舞躑躑清醑初酌
對越在天明神居歆式昭厥虔

亞獻 豫和之曲

祀事孔勤精意未分樂感鳳儀禮虔駿奔醞齊挹清

戴奠瑤尊神其格思福祿來臻

終獻 寧和之曲

樂舞既成獻享維終明明對越彌篤其恭篤恭維何
明德是崇神之聽之萬福來同

徹饌 雍和之曲

牲牢醴陳我享我將黍稷蘋藻潔白馨香徹以告成
降喜穰穰神錫無疆祐我萬方

還宮 安和之曲

禮享既洽神御聿興廟寢煌煌以憑以寧維神匪遐

上下在庭于寢孔安永底我烝民之生寧靜軒車
武廟

迎神

列神垂統景運重熙於惟武皇昭德勅威用剪除
姦兇大業弗墮專廟以享經禮攸宜俎豆式陳庶幾
來思

初亞終獻及徹饌還宮俱與孝廟同

睿廟

迎神 太和之曲

於穆神皇秉德凝道仁厚積累配于穹昊流慶顯
休萃于眇躬施于無窮以似以續以光紹我 皇宗
維茲氣始俎豆是共循厥典禮式敬式崇神其至止
以鑒愚衷

初獻 壽和之曲

制帛牲牢庶羞芬膋玉戚朱于協于韶簫清醑在筵
中情纏綿神之格思儀形儉然

亞獻 豫和之曲

瑤爵在陳佑以工歌籥舞踰踰八音諧和孝思肫肫

感格 聖靈致愨則存如聞其聲音

終獻 寧和之曲

儀式弗踰真爵惟三樂舞雍容以雅以南仰仁源德

澤嶽崇海淵願啓我子孫緝熙光明維兩儀是參

徹饌 雍和之曲

嘉饌甘只亦既歆只登歌迅徹敬終惟始維神孔昭

賚永成于孝矣

還宮 安和之曲

幽顯莫測神之無方祀事既成神還諸帝鄉申發休

祥俾胤嗣蕃昌宜君兮宜王歷世無疆

九廟時禘樂章

孟夏 壽和之曲

迎神 太和之曲

序屆夏首風氣薰禮嚴時禘兮憂擊鐘鼓迎

來合享交欣於皇

初獻 壽和之曲

瞻曙色方昕仰

執盈兮敢不懼慙

亞獻不豫和之曲

思皇祖仰聖神來列正會太宸時禘脩循古
倫惟聖鑒歆愚孫忱恂

終獻寧和之曲

齊醴清兮麥熟新籩豆潔兮孝念申仰
宗德願降佑兮後人

徹饌雍和之曲

樂終兮禮成告玉振兮訖金聲徹之弗違以肅精誠
還宮安和之曲

三獻就兮

祖宗鑒享一誠露兮念惟長思弗盡兮
思弗忘深荷德澤之啓佑小孫惟賴以餘光神還宮
永安保家國益昌

孟秋

迎神

時兮孟秋火西流感時愍祀兮爽氣回喜金風兮飄
來仰祖宗兮永慕哉秋禘是舉兮希鑒歆小孫躬
迓兮捧素裁

初獻

皇神降筵 列聖靈聰執事恐躋樂舞踰躑小孫捧
盈兮敢弗虔

亞獻

再酌兮玉漿潔淨兮馨香祖宗垂享兮錫胤昌厲
歲兮此禮行

終獻

進酒三觥歌舞雍喆鐘鼓車鞀錚 皇祖 列聖永享

思誠

徹饌

秋嘗是舉稌黍豐農三獻既周 聖靈顯容小孫時
思恩德兮惟懼

還宮

仰 皇祖兮聖神功祀典陳兮報莫窮嘗禘告竣鸞
馭旋宮兮皇靈在天主在室萬禩陟降何有終

孟冬

迎神

時兮孟冬凜以妻感時祀兮氣漸回朔朔風兮北
來仰 祖宗兮永慕哉冬禘是舉兮希鑒歆小孫恭

迓兮捧素裁
初亞終獻俱同立秋
徹饌

冬丞是舉俎豆維豐三獻既周
聖靈顯容小孫時

思恩德兮惟懋

還宮同立秋惟改嘗祫為丞祫

大祫樂章

迎神

仰慶源兮大發祥惟世德兮深長時維歲殘大祫洪

張祖宗聖神明明皇皇遙瞻兮頓首世德兮何以

忘

初獻

神之格兮慰我思慰我思兮捧玉卮捧來前兮慄慄

仰歆納兮是幸而

亞獻

再舉瑤漿樂舞群張小孫在位陪助賢良百工羅從

大禮肅將惟我祖宗顯錫恩光

終獻

思 祖功兮深長景 宗德兮馨香報歲事之既成
兮典則先王惟功德之莫報兮何以量

徹饌樂舞報恩不終亦於前代百工職矣
三酌既終一誠感通仰 聖靈兮居歆萬禩是舉兮
庶乎酬報之衷而

顯兮幽兮神運無迹神運無迹兮化無方靈返天兮
王返室願神功聖德兮啓佑無終玄孫拜送兮以謝
以忻

大禘樂章

迎神 元和之曲

於惟 皇祖肇創丕基鍾祥有自曰本先之奄有萬
方作之君師追報宜隆以申孝思瞻望稽首介我休
禧

初獻 壽和之曲

木有本兮水有源人本祖兮物本天思報德兮禮莫
先仰希鑒兮敢弗虔

亞獻 仁和之曲

中觴載升于此瑤觥小孫奉前願歆其誠樂舞在列
庶職在庭之祖鑒孔昭錫佑攸亨

於惟兮之先祖延慶兮深高追報兮曷能三進兮香

醪

徹饌之太和之宜到以申若思聖試首不其林

芬兮豆籩潔兮黍粢之祖垂歆享徹乎敢遲禮云告
備以訖陳辭永裕後人億世丕而

送神永和之曲

禘祀兮具張佳氣兮鬱昂之皇靈錫納兮喜將一誠
通兮萬載昌祈鑒佑兮天下康仰源仁浩德兮曷以
量小孫頓首兮以望遙瞻冉冉兮之聖靈皇皇之以勳
洪武七年之御製祀歷代帝王樂章

迎神之雍和之曲

仰瞻兮聖容想鑿輿兮景從降雲衢兮後先來俯鑒
兮微衷荷聖靈兮蒼生有崇睠諸帝兮是臨予頓首
兮幸蒙之聖靈

奠帛之保和之曲

秉微誠兮動聖躬來列坐兮殿庭予今顯兮効勤奉
禮帛兮列酒尊鑒予情兮忻享方旋駕兮雲程

初獻 保和之曲

酒行兮爵盈喜氣兮雍雍重荷蒙兮載瞻載崇群臣
忻兮躍從願覩穆穆兮聖容

亞獻 中和之曲

酒斟兮禮明諸帝熙和兮悅情百職奔走兮滿庭陳
籩豆兮數重

終獻 肅和之曲

獻酒兮至終早整雲臺兮將旋宮予心眷戀兮神聖
欲攀留兮無從躡雲衢兮緩行得遙瞻兮達九重

徹饌 凝和之曲

納肴羞兮領陳烝民樂兮幸生將何以兮崇報惟歲
時兮載瞻載迎

送神 壽和之曲

旌旛繚繞兮導來踪鑾輿冉冉兮歸天宮五雲擁兮
祥風從民歌聖祐兮樂年豐

望燎 豫和之曲

神機不測兮造化工珍羞禮帛兮薦火中望庭燎兮
稽首願神鑒兮寸衷

洪武六年定祀先師孔子樂章今讀天宮正雲

迎神 咸和之曲

大哉先聖道德尊崇維持王化斯民是宗典祀有常
精純益隆神其來格於昭聖容

奠帛 寧和之曲

自生民來誰底其盛惟王神明度越前聖黍帛具成
禮容斯稱黍稷非馨惟神之聽惟工字洽政和惟師

初獻 安和之曲

大哉聖師實天生德作樂以崇時祀無斃清酌惟馨
嘉牲孔碩薦羞神明庶幾昭格

亞終獻 景和之曲

百王宗師生民物軌瞻之洋洋神其寧止酌彼金罍
惟清且旨登獻惟三於嘻成禮

徹饌 咸和之曲

犧象在前豆籩在列以享以薦既芬既潔禮成樂備
人和神悅祭則受福率遵無越

送神 咸和之曲
有嚴學宮四方來崇恪恭成事威儀雖歌茲惟馨
神馭旋復明禋斯畢咸膺百福
國初定享先農樂章 永樂以後咸同

迎神 永和之曲
東風啓蟄地脉奮然蒼龍掛角燁燁天田民命惟食
創物有先圜鐘既奏有降斯筵

奠帛 永和之曲
帝出乎震天發農祥神降于筵藹藹洋洋禮神有帛

其色惟蒼豈伊具物誠敬之將
進俎 雍和之曲

制帛既陳禮嚴奉牲載之于俎祀事孔明簠簋攸列
黍稷惟馨民力普存先嗇之靈
初獻 壽和之曲

九穀未分庶少攸同表爲嘉種實在先農黍稷斯豐
酒醴是共獻奠之初以祈感通

亞獻奏同

俾彼甫田其隰其原耒耜云載驂御之間報本思享

亞獻惟虔神其歆之自古有年

終獻奏同

帝藉之典享祀是資潔豐嘉粟咸仰于斯時惟親耕
享我農師禮成于三以訖陳詞

徹饌 永和之曲

於赫先農歆此潔脩于篚于爵于饌于羞禮成告徹
神惠敢留餞及終畝豐年是求

送神 永和之曲

神無不在於昭于天日迎日送于享之筵冠裳在列

金石在懸往無不之其佩翩翩

望瘞 太和之曲

祝帛牲醴先農既歆不畱不褻瘞之厚深有幽其瘞
有赫其臨日禮之常匪今斯今

嘉靖九年定享先蠶樂章

迎神 貞和之曲

於穆惟神肇啓蠶桑衣我萬民保我家邦茲舉曠儀
春日載陽恭迎霞馭靈氣洋洋

奠帛 壽和之曲

神其臨只有苾有芬乃獻玉盞乃奠文纁仰祈昭鑒
淑氣氤氳顧茲蠶婦祁祁如雲

初獻 曲同奠帛

亞獻 順和之曲

載舉清觴蠶祀孔明以格以享鼓瑟吹笙陰教用彰
坤儀允貞神之聽之鑒此禋誠

終獻 寧和之曲

神之格思桑土是宜三纁七就惟此繭絲獻禮有終
神不我遺錫我純服藻繪皇儀

徹饌 安和之曲

俎豆具徹式禮莫愆既匡既勅我祀孔虔我思古人
葛覃惟賢明靈歆只永賴桑阡

送神 恒和之曲

神之升矣日霽霞蒸相此女紅杼軸其興茲還玄宮
鸞鳳翔騰瞻望弗及永錫嘉禎

望燎 曲同送神

樂律志卷之三 止

樂器

管四龍笛四琵琶六箏六杖鼓二十四大鼓二板二
二十六年定殿中韶樂簫十二笙十二排簫四橫笛
十二塤四篪四琴十瑟四編鐘二編磬二應鼓二祝
一敔一搏拊二丹陛大樂戲竹二簫十二笙十二笛

樂律志卷之四

翰林院編修臣黃汝良謹纂

朝賀樂

樂器

洪武三年定丹陛大樂簫四笙四篪四方響四頭
管四龍笛四琵琶六箏六杖鼓二十四大鼓二板二
二十六年定殿中韶樂簫十二笙十二排簫四橫笛
十二塤四篪四琴十瑟四編鐘二編磬二應鼓二祝
一敔一搏拊二丹陛大樂戲竹二簫十二笙十二笛

十三頭管十二簾八琵琶八二十絃八方響二鼓
拍板八杖鼓十二嘉靖間丹陛大樂奏于奉天門
二十樂章式殿中樂器十二至十二特蕭四對笛
洪武三年定笙管六琴六林鐘二十四大鼓二對二
陛殿奏飛龍引之曲百官行禮奏風雲會喜昇平之
曲丞相致詞奏慶皇都之曲
還宮奏賀聖明之曲 俱見後宴饗九奏中
二十六年更定 鐘林詞林引黃水真龍
陛殿韶樂奏聖安之曲

乾坤日月明八方四海慶太平龍樓鳳閣中扇開簾
捲 帝王興聖感天地靈保萬壽洪福增祥光王氣
生陞寶位永康寧

還宮韶樂奏定安之曲

九五飛聖龍千邦萬國敬依從鳴鞭三下同公卿環
佩響玕璫掌扇護御容中和樂音呂濃翡翠錦繡擁
還華蓋赴龍宮

百官行禮大樂作奏萬歲樂朝天子之曲

萬歲樂平世萬年山阿嶺對八古

雨順風調昇平世萬萬年山河社稷八方四面于戈
息慶龍虎風雲會

聖德朝天子

聖德聖威洪福齊天地御塔前文武兩班齊擺列在
丹墀內舞蹈揚塵山呼萬歲統山河壯帝畿禮儀讚
稽慶龍虎風雲會

中宮正旦冬至千秋節命婦朝賀女樂 洪武二十六年定

樂器

戲竹二簫十四笙十四笛十四頭管十四篳篥十琵琶

八二十絃八方響六鼓五板八杖鼓十二

樂章

天香鳳韶之曲

寶殿光輝晴天映懸玉鈎珍珠簾櫳瑤觴舉時簫韶
動慶大筵來儀鳳昭陽玉帛齊朝貢讚孝慈賢助仁
風歌謠正在昇平中謹獻上齊天頌

太皇太后 皇太后命婦朝賀女樂 洪武二十六年定

樂器 與中宮同

樂章

天香鳳韶之曲

龍樓鳳閣彤雲曉開綉簾天香芬馥瑤階春煖千花
簇壽聖母齊頌祝御筵壽獻長生曲坤道寧品類咸
育和氣四時調玉燭亨萬萬年太平福

東宮正旦冬至千秋節百官朝賀樂

洪武二十六年定

樂器

戲竹二簫四笙四笛四頭管四箏二琵琶二二十絃
二方響一鼓一板一杖鼓六

樂章

還宮百官行禮奏千秋歲之曲

堯年舜日勝禹周慶雲生繚繞鳳樓風調雨順五谷
收萬民暢歌謳

大宴樂

樂器

洪武三年定殿內侑食樂簫六笙六歌工四丹陛大
樂戲竹二簫四笙四琵琶六箏六篳篥四方響四頭
管四龍箏四杖鼓二十四大鼓二板二文武二舞樂
器笙二橫管二箏二杖鼓二大鼓一板一四夷舞樂

器腰鼓二琵琶二胡琴二笙篪二頭管二羌笛二簫
二水盞一板一酒鐘一四夷舞樂一琴四瑟
二十六年定殿內侑食樂祝一敔一搏拊一琴四瑟
二簫四笙四篪二排簫一鐘一磬一應鼓
一丹陛大樂戲竹二簫四笙四篪二頭管二琵琶二
簫二二十絃二方響二杖鼓八鼓一板一迎膳樂戲
竹二笙二篪四頭管二簫二杖鼓十鼓一板一進膳
樂笙二篪二杖鼓八鼓一板一太平清樂笙四篪四
頭管二簫四方響一杖鼓八小鼓一板一

永樂年間定殿內侑食樂簫四笙四篪四壎二篪二
排簫二琴四編鐘一編磬一祝一敔一搏拊一應鼓
一丹陛大樂戲竹二簫十二笙十二篪十二頭管十
二簫八琵琶八二十絃八方響二杖鼓十二鼓一板
一黃童白叟舞樂篪四大鼓一小鼓一杖鼓二鼗子
二板二酒壺一酒鐘一四夷舞樂篪二頭管二簫二
琵琶二二十絃二水盞一鼗子二板二導膳樂戲竹
二笙六篪六頭管六簫四杖鼓八鼓一板二迎膳樂
笙四篪四頭管四簫二方響一大鼓一杖鼓四板一

進膳樂笙四篴四頭管四箏三方響一杖鼓四鼓一
板一一鼓六一應管六一箏四一對龍八一龍一一對二一鼓八一
武舞用舞士三十二人皆左執干干長三尺五寸上
濶一尺下廣六寸朱質上畫雉羽中畫升龍雲氣右
秉戚戚長二尺五寸朱紅漆柄金裝戚斧分爲四行
每行八人舞作發揚蹈厲坐作擊刺之狀舞師二人
執旌以引之旌長七尺五寸朱紅漆柄金龍吞口懸
五綵羽九層每層用塗金寶蓋紅絲條穿末垂絲結

子文舞用舞士三十二人皆左執籥籥長一尺五寸
朱紅漆笙竹爲之上開三竅右秉翟翟長三尺五寸
朱紅漆柄金龍吞口上綴雉羽五層每層用塗金寶
蓋紅絲條穿末用紅條結子分爲四行每行八人舞
作進退舒徐揖讓升降之狀舞師二人執翽以引之
翽長七尺五寸朱紅漆柄金龍吞口懸白露羽九層
每層用塗金寶蓋紅絲條穿末垂紅絲結子四夷舞
用舞士十六人東夷西戎南蠻北狄各四人分爲四
行舞作拜跪朝謁喜躍俯伏之狀舞師二人執幢以

引之幢長七尺五寸朱紅漆柄金龍吞口懸五綵羅
五層每層綴五色銷金吹帶末垂紅絲結子永樂間
表正萬邦舞皆執干一作小斧天命有德舞皆執紅
漆羽籥雉雞尾引舞者皆執紅纓纛白纓樂工服色
洪武三年定殿內樂工皆戴中華一統巾衣紅羅生
色大袖衫畫黃鶯鸚鵡花樣紅生絹襯衫錦領杏紅
絹裙白絹大口袴青絲條白絹襪茶褐鞋和聲郎戴
皂羅濶帶巾衣青羅大袖衫紅生絹襯衫錦領塗金

束帶皂靴丹陛大樂工皆戴曲脚幞頭衣紅羅生色
畫花大袖衫塗金束帶紅絹擁項紅結子皂皮靴文
武二舞樂工皆戴曲脚幞頭衣紅羅生色畫花大袖
衫塗金束帶紅絹擁項紅結子皂皮靴四夷舞樂工
皆戴蓮花帽衣諸色細摺襖子白銷金汗袴紅銷金
緣紅絹束腰紅羅擁項紅結子花靴永樂以後同

舞工服色

洪武三年定武舞士皆冠黃金束髮冠紫絲纓青羅
生色畫舞鶴花樣窄袖衫白生絹襯衫錦領紅羅銷

金大袖罩袍紅羅銷金裙皂生色畫花緣襪白羅銷
金汗袴藍青羅銷金緣紅絹擁項紅結子紅絹束腰
塗金束帶青絲大條錦臂鞞皂皮綠雲頭靴舞師二
人冠黃金束髮冠紫絲纓青羅大袖衫白絹襯衫錦
領塗金束帶綠雲頭皂靴文舞士皆冠黑光描金方
山冠青絲纓衣素紅羅大袖衫紅生絹襯衫錦領紅
羅擁項紅結子塗金束帶白絹大口袴白絹襪茶褐
靴舞師二人冠黑漆描金方山冠青絲纓青羅大袖
衫紅生絹襯衫錦領塗金束帶白絹大口袴白絹襪

茶褐靴四夷舞士東夷四人椎髻於後繫紅銷金頭
繩紅絹銷金襪額中綴塗金博山兩旁綴塗金巾環
明金斗環青羅生色畫花大袖衫紅生色領袖紅羅
銷金裙青銷金裙緣紅生絹襯衫錦領塗金束帶烏
皮靴西戎四人間道錦纏頭明金斗環紅紵絲細摺
襖子大紅羅生色雲肩綠生色綠藍青羅銷金汗袴
紅銷金緣繫腰合鉢十字泥金數珠五色銷金羅香
囊紅絹擁項紅結子赤皮靴南蠻四人綰朝天髻繫
紅羅生色銀錠兒紅銷金袜額明金斗環紅織金短

袴子綠織金細摺短裙絨錦袴子間道紵絲手巾泥
金頂牌金珠纓珞綴小金鈴兒錦行纏泥金獅鬘帶
綠銷金擁頂紅結子赤皮靴北狄四人戴罩于冠貂
鼠皮簷兒雙垂髻紅銷金頭繩紅羅銷金袜額諸色
細摺襖子藍青生色雲肩紅結子紅銷金汗袴繫腰
合鉢皂皮靴舞師二人戴白捲簷擅帽塗金帽頂一
撒紅纓子羅帽襜紅綠金繡襦子白銷金汗袴藍青
銷金緣塗金束帶緣擁頂紅結子赤皮靴
永樂間定平定天下舞用三十二人皆服青羅包巾

青紅綠玉色羅銷金胷襖子渾金銅帶紅羅袴襖
皂雲頭靴青綠羅銷金包臀引舞二人同撫安四夷
舞用十六人高麗舞四人皆服笠子青羅銷金胷背
襖子銅帶皂靴琉球舞四人皆服綿布花手巾青羅
大袖襖子銅帶白碾光絹間道踢袴皂皮靴北番舞
四人皆服狐帽青紅紵絲銷金襖子銅帶伍魯速回
回舞四人皆服青羅帽比里罕綿布花手巾銅帶皂
靴引舞二人皆服紅擅帽紅羅銷金頂帕紅青綠羅
銷金襖子紅羅袴襖紅青綠羅銷金包臀皂雲頭靴

車書會同舞用三十二人皆服皂羅頭巾青綠玉色
皂緣邊襪茶褐線縑皂皮四縫靴引舞二人同表正
萬邦舞用六十四人皆服青羅包巾紅羅銷金項帕
紅生絹錦領中單紅生絹銷金通袖襖子青綿縑銅
帶織錦臂鞞皂雲頭靴各色羅銷金包臂紅絹裕襖
引舞二人同天命有德舞用六十四人皆服青幪紗
如意冠紅生絹錦領中單紅生絹大袖袍各色絹縑
畫直纏黑角偏帶藍絹絲皂雲頭皮靴白布襪引舞
二人同

樂章

洪武三年定

一奏起臨濠之曲 名飛龍引

千載中華生 聖主王氣成龍虎提劍起淮西將勇
師雄百戰收強虜 驅馳鞍馬經寒暑將士同甘苦
次第靜風塵除暴安民功業如湯武
二奏開太平之曲 名風雲會

玉壘瞰江城風雲繞帝營駕樓船龍虎縱橫飛砲發
機驅六甲降虜將勝胡兵 談笑掣長鯨三事勇氣

增一戎衣宇宙清寧從此華夷歸一統開帝業慶昇平

三奏安建業之曲 名慶皇都

虎踞龍蟠佳麗地 真王開基千載風雲會十萬雄
兵屯鐵騎 臣守將皆奔潰 一洗煩苛施德惠里
巷謳歌田野騰和氣王業弘開千萬世黎民咸仰雍
熙治

四奏削羣雄之曲 名喜昇平

持黃鉞削平荆楚清吳越清吳越暮秦朝晉幾多豪

傑 幽燕齊魯風塵潔伊涼蜀隴人心悅人心悅車
書一統萬方同轍

五奏平幽都之曲 名賀聖明

天運推遷虜運移王師北討定燕畿百年禮樂重興
日四海風雲慶會時 除暴虐撫瘡痍漠南爭覩舊
威儀 君王聖德容降虜三恪衣冠拜玉墀

六奏撫四夷之曲 名龍池宴

海波不動風塵靜中國有 真人文身交趾羶裘金
齒重譯來賓 奇珍異產梯山航海奉表稱臣白狼

玄豹九苞丹鳳五色麒麟

七奏定封賞之曲名九重歡

乾坤清廓論功定賞策勲封爵玉帶金符貂蟬簪珥

形圖麟閣奉天洪武功臣佐興運文經武畧子子

孫孫尊榮富貴久長安樂

八奏大一統之曲名鳳凰吟

大明天子駕飛龍開疆宇定王封江漢遠朝宗慶四

海車書會同東夷西旅北戎南越都入地圖中遐

邇暢皇風憶萬載時和歲豐

九奏守承平之曲名萬年春

風調雨順遍乾坤齊慶承平時節玉燭調和甘露降

遠近桑麻相接偃武修文報功崇德率土皆臣妾山

河盤固萬方黎庶歡悅長想創業艱難君臣曾共

掃四方豪傑露宿宵征鞍馬上歷盡風霜冰雪朝野

如今清寧無事任用須賢哲躬勤節儉萬年同守王

業

右九奏前三奏和緩中四奏壯烈後二奏舒長

其曲皆按月律

十二月按月樂歌

正月太簇本宮黃鐘商俗名太石曲名萬年

春

奉天承運秉黃麾志在安民除慝曾觀中天騰王氣
五色虹霓千尺龍繞堯登神迎艘艦嘉應非人力鳳
凰山上慶雲長繞峯石 天助神武成功人心效順
所至皆無敵手握乾符開寶祚畧定山河南北飲馬
江淮列營河漢四海風波息師雄將猛萬方齊仰威
德

二月夾鐘本宮夾鐘宮俗名中呂曲名玉街

行

山林豺虎中原狐兔四海英雄無數 大明真王起
臨濠震於赫戎衣一怒 星羅玉壘雲屯鉄騎一掃
乾坤烟霧黎民重睹太平年萬里山河盤固

三月姑洗本宮太簇商俗名大石曲名賀聖

明

雲氣朝生芒碭間虹光夜起鳳凰山江淮一日真
主出華夏千年正統還 瞻日角觀天顏雲龍風虎

竟追攀君臣勤苦成王業王業汪洋被百蠻風氣
雲集 四月仲呂本宮無射徵俗名黃鐘正徵曲名
喜昇平

風雲密濠梁千載真龍出鯨鯢豺虎掃除無迹江
河從此波濤息乾坤同慶承平日華夷萬里地圖歸
山林五月獒賓本宮姑洗商俗名中管雙調曲名
樂清朝

中原鹿走英雄起回首四郊多壘中英王倡兵淮水
將士皆雄偉 百靈護助人心喜一呼萬人風靡談
笑掃除虜蟻王業從茲始

六月林鐘本宮夾鐘角俗名中呂角 曲名慶
皇都
王氣呈祥飛紫鳳虎嘯龍興千里旌旗動四海歡呼
師旅衆天戈一指風雲從 將士爭先民樂用駕馭
英雄 聖德皆天縱率土華夷歸職貢詞臣拜獻河
清頌

七月夷則本宮南呂商俗名中管商角 曲名

永太平
鳳凰佳氣好王師起義乾坤初曉淮水西邊五色慶
雲繚繞三尺龍泉似水更百萬貔貅熊豹軍令悄魚
麗鵝鸛風雲蛇鳥風赳赳電掣鷹揚在伐罪安民去
殘除暴天與人歸豪傑削平多少萬里烟塵淨洗正
紅日一輪高照膺大寶王業萬年相保

八月南呂本宮南呂宮俗名中管仙呂曲名
紫微翠蓋擁蓬萊

聖天子以帝圖開曆數應江淮

看五色雲生上台 擲風沐雨攻堅擊銳將士總英
才躍馬定塵埃創萬古山河壯哉

九月無射本宮無射宮俗名黃鐘百曲名飛龍

千載中華生聖王王氣成龍虎提劍起淮西將勇
師雄百戰收強虜 驅馳鞍馬經寒暑將士同甘苦
次第靜風塵除暴安民功業如湯武

十月應鐘本宮姑洗徵俗名中呂正徵曲名

大開龍池宴

大明英王承天運倡義擁天戈星辰旋繞風雲圍護
龍虎麾訶旌旗所指羗胡納款江海停波從今平
定萬年疆宇百二山河
十一月黃鐘本宮夷則角俗名仙呂角同曲名
金門樂
慶皇明 聖王開寶祚起臨濠正汝穎塵飛江淮
浪捲赤子呼號天戈奮然倡義擁神兵百萬總英豪
貔虎朝屯壁壘虹霓夜繞弓刀 鳳凰山勢聳層霄
佳氣五雲高愛士伍同心君臣協力不憚勤榮風雲

相會看魚龍飛舞出波濤靜掃八方氛祲咸聽九奏
簫韶

十二月大呂本宮大呂宮俗名高宮 曲名風

雲會

天眷顧淮西 真人起布衣正乾剛九五龍飛駕馭
英雄收俊傑承永命布皇威 一劍立鴻基三軍擁
義旗望雲霓四海人歸整頓乾坤除暴虐歌聖德慶
雍熙

右十二曲按月律奏之

武舞曲 名清海宇

拔劍起淮土策馬定寰區王氣開天統寶曆應乾符
武畧文謨龍虎風雲創業初將軍星繞弁勇士月
寧弧選騎平南楚結陣下東吳跨蜀驅胡萬里山河
壯帝居

文舞曲 名泰階平

乾清坤寧治功告成武定禍亂文致太平郊則盡其
禮廟則盡其誠卿雲在天甘露零風雨時若百谷登
禮樂雍和政刑肅清儲嗣既立封建乃行讒佞屏

四海賢俊立朝廷玉帛鐘鼓陳兩楹君臣賡歌揚頌
聲

四夷舞曲

其一 小將軍
大明君定宇寰聖恩寬掌江山東虜西戎北狄南蠻
手高擎寶貝盤

其二 殿前歡

五雲宮闕連霄漢金光明照眼玉溝金水聲潺潺
願觀趨蹌看儀鑾嚴肅百千般威人心膽寒

其二慶新年

虎豹關文武班五綵間慶雲朝霞燦黃金殿喜氣增
丹墀內仰聖顏翠繞紅團錦繡斑高樓十二欄笙簫
趁紫壇僊音韻瑤箏按拜舞齊歌讚吾皇萬壽安

其三慶新年

定宇寰定宇寰掌江山撫百蠻謳歌拜舞仰祝讚萬
萬年帝業安

其四過門子

奏炎精開運之曲

炎精開運篤生聖皇大明御極遠紹虞唐河清海
晏物阜民康威加夷獠德被戎羌八珍有薦九鼎馨
香鐘鼓鏜鏜宮徵洋洋怡神養壽理陰順陽保茲遐
福地久天長

二奏皇風之曲

皇風被八表熙熙聲教宣時和景象明紫宸開繡筵
龍袞曜朝日金爐裊祥烟濟濟公與侯被服麗且鮮
列座侍丹扆磬折在周旋羔豚升華俎玉饌充方圓
初筵奏南風繼歌賡載篇瑤觴欣再舉拜俯禮無愆

同樂及斯辰於皇千萬年
奏平定天下之舞曲見前 清海宇見前

三奏眷皇明之曲

赫赫上帝眷我皇明大命既集本固支榮厥本
伊何育德春宮厥支伊何藩邦以寧慶延百世澤被
羣生及時為樂天福是膺千秋萬歲永觀厥成

奏撫安四夷之舞曲殿前歡

慶新年過門子俱見前

四奏天道傳之曲

馬負圖兮天道傳龜載書兮人文宣義畫卦兮禹叙
疇皇極建兮合自然綿綿曆數歸明王祥麟在郊
威鳳舞九夷入貢康衢謠聖子神孫繼祖武垂拱無
為邁前古

奏車書會同之舞曲

五奏振皇綱之曲

周南詠麟趾卷阿歌鳳凰藹藹稱多士為禎振皇綱
赫赫我大明德尊踰漢唐百揆脩庶績公輔理陰陽
我冠正襟佩都兪在高堂坐令八絃內熙熙民樂康

氣和風雨時田疇見豐穰獻禮過三爵歡娛良未央

六奏金陵之曲

鐘山蟠蒼龍石城踞金虎千年王氣都于今歸聖
主六代繁華經幾秋江流東去無時休誰言天塹分
南北英雄豈但唾曹劉我皇昔在濠梁屋神遊天
錫真人服提兵乘勢渡江來詞臣早獻金陵曲歌金
陵進珍饌諧八音繼三歎請觀漢祖用兵時爲嘗
異淳沲飯

七奏長楊之曲

長楊曳綠黃鳥和鳴菡萏呈鮮紫燕輕盈千花浥露
日麗風清及時爲樂芳尊在庭管音嘒嘒絲韻泠泠
玉振金聲各奏爾能皤皤國老載勸載懲明德惟馨
垂之聖經唐風示戒永保嘉名無已太康哲人是聽

八奏芳醴之曲

夏王厭芳醴商湯遠色聲聖人示深戒千春垂令名
惟皇登九五玉食保尊榮日昃不遑餐布德延群
生天庖具豐膳鼎鼐事調烹豈但資肥甘亦足養遐
齡達人悟茲理恒令五氣平隨時知有節昭哉天道

行

九奏駕六龍之曲

日麗中天漏下遲公卿侍燕多令儀簫韶九奏觴九

獻爐烟細逐祥風吹羣臣舞蹈天顏喜歲熟民康長

若此六龍廻駕鳳樓深寶扇齊開扶玉几景星呈瑞

慶雲多兩曜增暉四序和聖人道大如天地歲歲

年年奈樂何

進膳曲

水龍吟

寶殿祥雲紫氣濛聖明君龍德宮氤氳霧靄檜柏
間青松龍樓鳳閣雕龍畫棟此是蓬萊洞

太平清樂曲

太清歌

萬國來朝進貢仰賀聖明王一統華夷普天下八

方四海南北東西托聖德勝堯帝保護家國太平

天下都歸一將兵器銷為農器旌旗不動酒旗招仰

荷天地

上清歌

一願四時風調雨順民心喜攝外國將寶貝攝外國
將寶貝見 君王來朝寶殿裏珊瑚瑪瑙玻璃進在
丹墀
開天門
托長生日月光天德萬萬歲永固皇基公卿文武來
朝會開玳筵捧金杯

迎膳曲 水龍吟 同前進膳

陞座及還宮曲 萬歲樂

百官行禮曲 朝天子 俱見朝賀儀

大祀慶成大宴 萬國來朝隊舞 纓鞭得勝隊舞
萬壽聖節大宴 九夷進寶隊舞 壽星隊舞
冬至大宴 讚聖喜隊舞 百花聖朝隊舞
正旦大宴 百戲蓮花盆隊舞 勝鼓采蓮隊

永樂間定 奏上萬壽之曲

龍飛定萬方受天命振紀綱彝倫攸叙四海康普天
率土盡來王臣民舞蹈嵩呼載揚稱觴奉吾 皇聖

壽天長

平定天下舞曲

四邊靜

威伏千邦四夷來賓納表章顯禎祥承朝乾象皇基
永昌萬載山河壯

刮地風

聖主過堯勝禹湯立五常三綱八蠻進貢朝服今社
頓首誠惶朝中宰相燮理陰陽五穀收成萬民歡暢
賀吾皇齊讚揚萬國來降

二奏仰天恩之曲

皇天眷聖明五辰順四海寧風調雨順百谷登臣

民鼓舞樂太平賢良在位邦家永禎吾皇仰洪恩

夙夜存誠

黃童白叟鼓腹謳歌承應曲

豆葉黃

雨順風調五谷收成倉廩豐盈大利民生托賴着洪
恩四海清鼓腹謳歌白叟黃童共樂咸寧

四夷舞曲

四小將軍

順天心誠聖德誠化番邦盡朝京東夷歸服舞於龍
廷貢履皇明寶貝擎合宴豐盈大儀凡世升尊養共
殿前歡

四夷率土歸王命都來仰大明萬邦千國皆歸正
現交帝庭朝仁聖天階班列衆公卿齊聲歌太平
和氣增鸞鳳鳴紫霧生祥雲朝霞映蕪金爐香味馨
列丹墀御駕盈絃管簫韶五音應龍笛間鳳笙

基列渤海會

金杯中酒滿盛御案前列羣英君德成皇圖慶嵩呼
萬歲聲

過門子

聖王興聖王興顯威靈蠻夷靜至仁至德至聖明
萬萬年帝業成

三奏感地德之曲

皇心感地靈順天時德厚生含弘光大品物亨鍾奇
毓秀產俊英河清海宴麟來鳳鳴陰陽永和平相我

文明
車書會同舞曲
新水令

錦衣花帽設丹墀具公服百司同會麟至舞鳳來儀
文武班齊朝賀聖明帝

水仙子

八方四面統華夷天下蒼生仰 聖德風調雨順昇
平世遍乾坤皆讚禮托 君恩民樂雍熙萬萬年皇
基堅固萬萬載江山定體萬萬歲洪福天齊

四奏民樂生之曲

世間的萬民荷天地感 聖恩乾坤定位四海春君
臣父子正大倫皇風浩蕩人心載醇熙熙樂天真永

戴明君

表正萬邦舞曲

慶太平

奸邪濁亂朝綱構禍難煽動戈折赫怒吾 皇親征
壩上指天戈敵皆降

武士歡

白溝戰場旌旗雲合迷日光令嚴氣張三軍踴躍齊
奮揚掃除殘甲如風蕩凱歌傳四方仁聖不殺降望
河南失攬槍

滾繡毬

肆旅拒恃力强一心構殃築滄洲百尺城隍騁萬毒
恣虎狼孰能禦當順天心有德隆昌倒戈歛甲齊歸
降撫將生還達故鄉自此仁聞愈彰
陣陣羸
不數孫吳兵法良神謀睿筭合陰陽八陣堂堂行天

上虎畧龍韜孰敢當俘囚十萬皆疎放感荷仁恩戴
上蒼

得勝回

兩傍四方展鳥翼風雲雁行出奇兵敵難量士強馬
強遍百里眠旌卧鎗勝兵回樂洋洋

小梁州

敵兵戰敗神魂喪擁貔貅直渡長江開市門肆不移
宣聖恩如天曠綸音頒降普天下仰吾皇
五奏感皇恩之曲

當今四海寧頌聲作禮樂興君臣慶會躋太平衣冠
濟濟宴彤庭文臣武將共荷恩榮忠心盡微誠仰答
皇明

天命有德舞曲

慶宣和
雨順風調萬物熙一統華夷四野嘉禾感和氣一榦
百穗一榦百穗

窄輓兒

梯航萬國來丹陛太平年年永固洪基正東西南北

來朝會洽寰宇布春暉四裔咸賓聲教美自古明王
在慎德不須威武服戎狄祥瑞集鳳來儀佳期萬萬
歲 聖明君主華夷

六奏慶豐年之曲

萬方仰 聖君大一統撫萬民豐年時序雨露均穰
穰五穀貨財殷酬歌擊壤風清俗醇四夷悉來賓正
統皇仁

七奏集禎應之曲

皇天眷大明五星聚兆太平騶虞出現甘露零野蚕

成繭嘉禾生醴泉湧地河水清乾坤萬萬年四海永
寧

八奏永皇圖之曲

天心眷聖皇正天位撫萬邦仁風宣布禮樂張戎
夷稽首朝明堂皇圖鞏固賢臣贊襄太平日月光地
久天長

九奏樂太平之曲

皇恩被八絃三光明四海清人康物阜歲屢登含哺
鼓服皆懽聲民歌帝力唐堯至仁乾坤永清共樂太

平

導膳曲

迎膳曲

進膳曲

陞座

還宮

百官行禮

樂曲俱同朝賀

大祀慶成隨纓鞭得勝蠻夷隊舞

萬壽聖節九夷進寶隊舞

冬至節讚聖喜隊舞

正旦節百戲蓮盆隊舞

嘉靖間續定慶成宴樂章

陞座樂曲萬歲樂

五百昌期嘉慶會啓 聖皇龍飛天位九州四海重

華日大明朝萬萬世

百官行禮樂曲朝天子

滿前瑞煙香遠蓬萊殿風回韶律鼓淵淵列陞上旌

旗絢日至朱纏陽生赤甸氣和融徹上玄歷年萬千

長慶天宮宴

平上護衣上花樂曲水龍吟

寶殿金爐瑞藹浮陳玉案列珍羞天花炫彩照曜翠
雲裘鸞歌鳳舞虞庭樂奏萬歲 君王壽

一奏上萬歲之曲

聖王垂衣裳興禮樂邁虞唐簫韶九成儀鳳凰日月
中天照八荒民安物阜時和歲康上奉萬年觴胤祚

無疆

奏平定天下舞曲

四邊靜

天啓嘉祥 聖王中興振紀綱頌洋洋功蕩蕩國運

隆昌萬歲皇圖壯

鳳鸞吟

維皇上天祐
聖明景命宣
五雲輝三台
潤七緯光
懸協氣生嘉祥
見正萬民用群賢
垂袞御經筵
宵衣勤政殿禮圓
丘大祀精虔明水潔
蒼璧圓秉周文承
殷薦眷皇家億萬斯年

三奏仰天恩之曲

皇穹啓
聖作欽默運祇明禮
一陽初動霽先春
萬福來同仰至仁
祥開日月瑞見星辰
禮樂協神人宇

宙咸新

迎膳曲

水龍吟

春滿雕盤獻玉桃
葭管動日輪高
熹微霽色遙映袞
龍袍千官舞蹈鈞韶迭奏曲度昇平調

進膳曲

水龍吟

紫禁瓊筵煖應冬
驂八螭乘六龍
玉卮瓊竿鞞座獻
重瞳堯天廣運舜雲飛動喜聽賡歌頌

進湯曲

太清歌

長至日開黃道喜乾坤佳氣陽長陰消奏鈞韶音調
鳳軫律協鸞簫仰 龍顏天日表如舜如堯金爐烟
煖御香飄玉墀晴霽祥光遶宮梅苑柳迎春好燕樂
蓬萊島

上清歌

雲捧宸居五星光映三台麗仰日月層霄霽仰日月
層霄霽中興重見唐虞際太和元氣自陽回兆姓歡

愉

開天門

九重霄日轉皇州曉燕天家共歌魚藻龍鱗雉尾高
祝 聖壽慶清朝

奏黃童白叟鼓腹謳歌承應曲

御鑾歌

雅奏樂昇平瞻絳闕集瑤京黃童白叟喜氣盈謳歌
鼓舞四海寧金枝結秀玉樹含英聽康衢擊壤聲帝
力難名

三奏感昊德之曲

帝德運光明一陽動萬物生升中大報蒼璧陳禮崇
樂暢歆太清星懸紫極日麗璇庭乾坤瑞氣盈海宇
安寧

奏撫安四夷舞曲

賀聖朝

華夷一統萬國來朝同獻方物修庭貢遠慕皇風自
南自北自西自東望天官佳氣鬱重重四靈畢至麟
鳳龜龍

殿前歡

瑞雲晴靄浮宮殿一脉陽和轉禮成交泰開周宴鳳
笙調龍幄展天心感格人歡忭四海謳歌徧

慶豐年

賴皇天錫豐年勤禹稼力舜田喜懌三農願嘉禾秀
瑞麥鮮賦九州貢八埏神倉御廩咸克滿養民以養
賢

新水令

聖德精禋格昊穹太一統四夷來貢玉帛捧文軌同

世際昌隆共聽輿人頌
誕明禋天鑒元后光
四表惠澤周流來四裔趨前擁
後獻萬寶克庭滿罔稽首頓首天高地厚祝
多男福壽

四奏民樂生之曲

大報禮初成象乾德運皇誠神州赤縣永清寧靈雨
和風樂太平陰陽交暢品物咸亨元化自流行允殖
羣生

帝迎膳曲

五色祥雲捧玉皇開闔闔坐明光鈞天樂奏冬日御
筵張文恬武熙太平景象人在唐虞上

獻進膳曲

水龍吟
玉律陽回景運新燕鎬京藹皇仁光昭雲漢一氣沸
韶英錦瑟和聲瑤琴清韻瞻仰天顏近

進湯曲

太清歌

萬方民樂時雍鼓舞荷天工雷行風動喜今逢南蠻
北貊東夷西戎來朝貢大明宮星羅斗拱九重天上
六飛龍五色雲間雙彩鳳普天率土效華封允協河
清頌

奏車書會同舞曲

新水令

五雲深護九重城感洪恩一人有慶陽初長禮方行
帝德文明表率邦家正

水仙子

萬方安堵樂康寧九域同仁荷聖明千年撫運承
天命露垂甘河獻清見雙岐秀麥連莖喜靈雪隨冬
應觀祥雲拂曙生神與化金運同行

五奏感皇恩之曲

雙闕五星光霓旌樹紫蓋張璇臺玉曆轉新陽鈞天
廣樂諧宮商恩深露湛喜溢霞觴日月煥龍章地久
天長
奏表正萬邦舞曲

慶太平

維天眷我 聖明禮園丘至德精誠乾元永清洪膺

景命休徵應泰階平

聖王乘龍御萬邦慶雲翔化日重光羣臣拜舞稱壽

觴載歌天保章

五雲車度九重利見飛龍耀袞章火藻華蟲擊虎歆

考鳧鐘鼉鼓逢逢八珍列九鼎豐隆堯眉揚彩舜重

瞳萬國咸熙四海雍齊歌頌聖德神功

殿前歡

萬年禮樂中興大化觀重熙河清海晏臻祥瑞五行

順七政齊超三邁五貞元會既醉頌鳧鷖

天下樂

萬靈朝拱接清都享南郊欽天法祖願 聖人承乾

納祐中和位育龜呈範馬陳圖

醉太平

禮樂萬年規謳歌四海熙衣冠踏舞九龍墀麗正仰

禮樂萬年規謳歌四海熙衣冠踏舞九龍墀麗正仰

南離紫雲高捧唐虞帝垂衣天下文明治鎬鳴岐鳳
呈嘉瑞真箇是人值成周世

六奏慶豐年之曲

聖人懋承乾綏萬邦屢豐年神倉御廩登天田明粢
鬱鬯祀孔虔輿情咸豫協氣用宣萬古帝圖傳璧合
珠聯
七奏集禎應之曲
天保泰階平寶露降渾河清嘉禾秀麥集休禎遐旤
絕域喜氣盈一人有慶百度惟貞萬國頌咸寧麗正

重明

八奏永皇圖之曲

鎬燕集天京頌魚藻歌鹿鳴邊陲安堵萬國寧重譯
來庭四海清咸池日曙昧谷雲烝 帝座仰前星豫
大豐亨

九奏樂太平之曲

皇極永登祥乾符啓泰運昌玉管回春動一陽金鑾
錫燕歌九章虞庭獸舞岐山鳳翔日麗袞龍裳 王
聖臣良

迎膳曲

水龍吟

香霧氤氳紫閣重仰天德瞻王帝容星輝海潤甘雨

間和風樂比鸛魚瑞呈麟鳳永獻卷阿頌

進膳曲

水龍吟

萬戶千門啓建章台階峻帝座張三垣九道北斗玉

衡光元氣調和雅韻鏗鏘昭代慶明良

太清歌

萬方國盡來庭稽首歌

帝仁仰荷生成振乾綱陰

陽順序民物樂生逢

明聖萬年春永膺休命華夷

蠻獠咸歸正蒼生至老不知兵鼓腹含哺固太平九

有享清寧

奏天命有德舞曲

萬歲樂

太平天子興隆日履初重陽回元吉醴泉芝草休徵

集曾聞道五星聚室

賀聖明

一人元良百度維新握赤符凝玄應享太清大禮方
行祀事孔明感天心億載恒承慶 明王慎德四夷
咸賓天下與日新奏纓鞭得勝蠻夷隊舞承應曲

醉太平

星華紫殿高雲氣彤樓遠九夷重譯梯航到皇圖光
八表玉宇無塵明月皎銀河自轉扶桑曉平平蕩蕩
歸王道百獸舞鳳鳴簫韶皇極經世一書看花會

普天下都賴吾皇至聖看玉關頻款天山已定四
夷效順歸王命天保歌羣黎百姓

天下樂

九重樂奏萬花開望龍樓雲蒸霧靄仰天工雍熙帝
載臣民懽戴溥仁恩遍九垓

清江引

黃鐘既奏陽和長德盛天心貺人文日月明國勢山
河壯衢室民謠頻擊壤 奏致語曲

一表清江引

鈞天畢奏日方中既醉懽聲動雲章
威鳳萬方安樂興嘉頌

千秋歲

上下交懽燕禮成一陽奮萬彙咸亨
風雲會合開明運紫極轉璇衡

宴畢百官行禮曲

交班武班歡動承明殿禮成樂備頌
聲喧真咫尺仰

天顏日照龍筵風回雉扇翠綉旋奉
仙臺雲間斗間

五色金章燦

還宮曲

天回北極雲成瑞望層霄重華日麗
九垓八極樂雍

熙祝一聖壽萬萬歲

小宴樂

管永樂間

樂器

殿內備食器簫二笙二箏二丹陛大樂笙二篳二頭
管二箏二鼓一板一杖鼓一

樂章

一奏木太初之曲 朝天子

混兮沌兮水土成元氣不分南北與東西未辨天和
地萬象包涵其中秘密難窮造化機是陰陽本體乃
謂之太極兩儀因而立

二奏仰大明之曲 歸朝歡

太極兮混然方始見儀形清浮濁偃乾坤定日月齊

興照青霄萬象明陽須動陰須靜陰與陽皆相應流
行二氣萬物俱生

奏百戲承應

三奏民初生之曲 沽美酒

乾坤清宇宙寧六合爭四夷正萬象原來一氣生定
三才五行民與物共成羣

太平令

爲一類不分人品竟生食豈曉庖烹避寒暑巢居穴
遁披樹葉相尋趣如何是愛親世情治生雖混然各

安其性
奏百戲承應
四奏品物亨之曲
醉太平

黎民生世間萬物長塵寰陰陽交運轉循環久遠時
庶繁相傳氣候應無間品物交錯憑誰鑒望
出世整江山正萬民得安
奏百戲承應
五奏御六龍之曲
清江引
人心久仰生
聖君天使人生歸聖與聖人受賜族

機體天居中正御六龍
聖明登九重

碧玉簫

君坐神京海嶽共拱新民仰君恩
聖治有人倫人
品分萬物增
聖承乾百福臻垂法明尊天命興後
朝皆從正

奏百戲承應

六奏泰階平之曲
十二月

聖乃有言天天是無言聖
聖人臨正萬物興通恩
威盛社稷安仁德感江山定選用英賢興王政分善

惡賞罰均平三公九卿左右股肱庶事康寧
聖奏百戲承應

七奏君德成之曲 十二月

皇基以興聖帝脩身奉天體道聖德愈明敬天
地勤勞萬民立法度上下咸寧

風俗禮樂厚彝倫爰興學校進儒經賢臣良將保朝

廷四海人民頌歡聲用的是賢英賢英定太平寰海

皆歸正

八奏聖道行之曲

金殿萬年歡

三綱既定九疇復興聖道如天嘉禾齊秀寒暑和
平聖威無邊皇基穩勝磐石慶雲生景星長現三

光輝耀百谷收成萬姓安寧

得勝令

聖德感皇乾甘露降山川萬邦來朝貢奇珍擺布全
玉階下鳴鞭仰聖王升金殿丹墀列英賢讚吾

皇豐稔
奏百戲承應

九奏樂清寧之曲 普天樂

皇圖正 父君太后天下咸歡 君治外永聖明

后治內長安靜 後聖從乾皆從 正德相傳聖子神

孫天威浩蕩江山永固洪福無窮

沾美酒

和氣生滿玉京祥烟起映皇宮 明聖開基整萬民

風雲會帝庭奏簫韶九韻成

太平令

紫霧隱金鸞彩鳳祥光罩良將賢臣玉案列珍羞美

醞寶鼎熟龍涎香噴至尊永寧儲嗣守成賀萬萬歲

一人有慶

奏魚躍干淵承應

進膳曲 水龍吟 同前

陞座 還宮曲 萬歲樂 同前

百官行禮曲 朝天子 同前

奉天門宴百官止用本太初仰大明民初生三奏曲

其進酒進膳樂同惟百官叩頭禮用朝天子曲宴畢
導駕旋宮用御鑾歌

嘉靖間 仁壽宮落成宴亭樂章

一奏本太初之曲 朝天子

帝誠 帝明寶位基昌命仙苑開筵歌鹿鳴亭殿天
章映我有嘉賓鼓瑟吹笙示周行昭德音日升月恒
萬載皇圖正 殿前懽喜 聖人多壽多男慶脩和禮樂麗正重明如
天保定

出阜如岡陵如川方至莫不增協氣生禎祥應百神
受命萬國來庭

三奏民初生之曲 沽美酒

黃河清寶露凝瑞麥呈靈鵲鳴諸福來同仰 聖明
喜萬寶告成占景緯泰階平

太平令

念農桑衣食之本仰君德獨厚民生事耕鑿群黎百
姓歌鹿鳴神人胥慶 明主宴嘉賓承笙鼓瑟吹笙
繼自今福增天定

四奏品物亨之曲 醉太平

瑤宮怡 聖顏闈苑隔人寰吹笙鼓瑟賓旨酒天開
宴鹿鳴歌舞黃金殿賴吾 皇錫福萬民安醉歌天
保歡

五奏御六龍之曲 清江引

聖主有道樂昇平燕會延休慶務本軫民生弘化凝
天命忻落成萬載開鴻運

帝重農桑法駕起明光鱗游鳳翔宴陳天保章開玳

筵薦瑤觴既醉頌洋洋 聖德巍皇恩蕩世際唐虞

上 筵薦瑤觴既醉頌洋洋

聖德巍皇恩蕩世際唐虞

進膳曲

水龍吟

寶瑟瑤笙鼓吹喧 聖天子御華筵南山萬壽瑞日

正中天百谷豐年八方珍膳人樂昇平宴

太清歌

祥麥嘉瓜臻瑞仰荷 堯舜主愛育羣黎感天意五

風十雨秋報春祈徧爾德勸農桑日用衣食嘉賓和

樂開筵地紅雲捧雕盤珍珠山呼萬歲福無疆日升
川至壽八義流轉萬壽無疆萬壽無疆萬壽無疆
上清歌
仰賴吾皇參天兩地凝和氣四三王六五帝國家
興賢才爲上瑞養萬民九域熙百祿咸宜萬壽無疆日
開天門
寶殿輝龍虎風雲會瞻丹陛觀紫微周詩歌既醉螽
斯麟趾開祥瑞仰飛龍在天位
豳風亭宴講官樂章

一奏本太初之曲朝天子
九重詔傳殿閣開秋宴授衣時節肅霜天禾稼登場
徧鼓瑟吹笙昇平重見工歌七月篇春酒當筵獻願
吾皇萬年歲歲臨西苑
二奏仰大明之曲殿前歡
鳳苑御筵開黃花映玉階鹿鳴天保歌三代古調新
裁奉君王萬壽杯日月明乾坤大看年年秋報賽
太平有象元首明哉

三奏民初生之曲沽美酒

熙春陽化日長執懿筐采柔桑拾繭絲有萬箱染紅
黃孔陽爲公子製衣裳

太平令
勤樹藝歲年豐穰九十月禾黍登場爲春酒甕浮新
釀村田樂齊歌齊唱享公堂殺羊舉觴繼進著兕觥
祝 聖壽萬靈扶相

四奏品物亨之曲
醉太平
納嘉禾滿場釀御酒盈缸公桑蚕績製玄黃服龍衣
袞裳螽斯蟋蟀諧清唱水光山色明仙仗幽風亭殿

進霞觴祝 聖壽無疆

五奏御六龍之曲 清江引

九月風光何處有鳳苑在龍池右農夫稼已登公子
衣方授 萬歲君王頰進酒

碧玉簫

凡我生民農桑最苦辛終歲經營氣候變冬春田畷
欣婦子勤詠豳詩仰化鈞場圃新風雨順宴御墀龍
顏近

進膳曲

水龍吟

養老休農敞御筵，瀉春酒介耆年。到羊剪韭，社鼓正
闐闐，香粳米顆升堂拜獻。此樂真堪羨。

太清歌

九月天開西苑宸，居無逸殿講幄張筵。集儒流雲蒸
星炫壁緯珠纏，睹御製煥天章。昭回雲漢堯天舜日，
民安宴御廩神倉。百谷登金輝玉燦，休徵見犬有豐
年。

上清歌

鳳苑宸居公桑帝，藉今方舉躬耕。蚕勸士女獻羊羔，
升堂奏樂舞葵菽。棗壺上珍厨萬壽山呼。

開天門

鹵風亭共仰吾皇聖，百穀登萬國咸寧。民康物阜
禎祥應仰，乾運俯坤靈。

皇后親蚕宴內外，命婦樂章

陞座奏天香鳳韶之曲

春雲繚繞芳郊曙，喜乾坤萬象咸舒。蘭臯蕙圃迎仙
馭，采柔條攀茂樹。蚕宮繭館親臨，御壁月珠星照太

虛開筵還駐翠銷旗萬載垂貞譽

進膳曲

沾美酒

蠶禮成鳳輦停薦霞觴列雲屏宮妃世婦仰坤寧祥
雲映紫冥同視頌耀前星

回宮御鸞歌

惟天啓 聖皇 君耕籍 后躬桑身先田織率萬
邦天清地寧民阜康百穀用成四夷來王治化登虞
唐世發禎祥

東宮宴樂

永樂間定

樂器

侑食樂簫四笙四箏二迎膳樂戲竹二笙四笛四頭
管四箏二琵琶二鼓三板二杖鼓四

樂章

一奏喜千春之曲 賀聖朝
開國承天聖感極多總一統封疆潤百姓快活萬物
榮光共沐恩波仙音韻合讚昇平詠歌齊朝拜千千

歲東宮滿國春和

二奏永南山之曲

一水仙子

洪基永固海波清盛世明時禮樂興華夷一統江山

靜民通和樂太平讚東宮仁孝賢明秉鈞衡端正順

乾坤泰享坐中華萬世昌寧

奏百戲承應

三奏桂枝香之曲

蟾宮曲

曉光融燕享春官日朗風和喜氣葱葱鎮領台樞

規宏綱憲禮節至公事聖上柔聲婉容問安寧勤

孝虔恭果斷寬洪剛健文明聖德合同

奏百戲承應

四奏初春曉之曲

小梁州

端拱嚴宸事紫薇秉運璇璣四時百物總相宜仰

賴明君德大業勝盤石皇儲仁孝明忠義美遐

方順化朝儀孝能歡慈愛心敬篤尊卑意上和下

睦民鼓舞樂雍熙

奏百戲承應

五奏乾坤泰之曲

滿庭芳

春和玳筵安邦興國欽聖尊賢文英武烈於民便禮
樂成全亨大業中庸不偏順天常節儉爲先達文獻
嚴儀訓典孝敬億千年

奏百戲承應

六奏呂運頌之曲 喜秋風

文武安軍民樂宴 文華會班僚五雲齊動鈞天樂

賀春宮讚皇朝

奏百戲承應

七奏泰道開之曲 沽美酒

布春風滿畫樓對嘉景鳳凰洲高捧金波碧玉甌設
威儀左右分品從列公侯

太平令

效 聖上誠心勤厚王宗器嚴備春秋諧律呂仙音
齊奏欽王政皇天保佑拜舞頓首讚祝進酒千千歲

康寧福壽

迎膳樂曲

水龍吟

方響笙簧鼓樂喧排寶器開玳筵鸞儀旌節錦繡景

相連簪纓趨進皆來朝見春滿文華殿

奉陞座請還宮

千秋歲

見前朝賀儀

王國樂附

凡祭宗廟用樂生三十六人鐘磬各一瑟二琴八壎
箎簫笛各二笙四祝歌各一搏拊二歌工八舞生七
十二人文舞三十六人各執羽籥武舞三十六人各
執干戚中各以二人爲引舞其冠服與三朝樂舞同
凡朝賀用大樂樂工二十七人戲竹二頭管四笛四
杖鼓十二大鼓一板一冠服用紅絹彩畫背方花

小袖單袍有花鼓吹冠錦臂鞞皂靴抹額用紅羅彩
畫束腰用紅絹

凡宴禮設細樂于殿內大樂于殿外殿內侑食樂工
八人簫二笙二箏二笛一板一迎膳大樂工八人戲
竹二笛二杖鼓二小鼓一板一其冠服皆用紅絹彩
畫背方花小袖單袍有花鼓吹冠錦臂鞞皂靴抹
額用紅絹彩畫束腰用紅絹

樂律志卷之四 止

...


...

...

...

...

...



...

